



Llywodraeth Cymru
Welsh Government

Pecyn gwybodaeth i ymgeiswyr

Comisiwn Seilwaith Cenedlaethol Cymru

Penodi Cadeirydd

Dyddiad cau: 21 Hydref 2019

CSCC
NICW

Comisiwn Seilwaith
Cenedlaethol Cymru
National Infrastructure
Commission Wales

Comisiwn Seilwaith Cenedlaethol Cymru

Cynnwys

Gwneud Cais

Atodiad A: Rôl Cadeirydd / Aelod

Atodiad B: Rôl a chyfrifoldebau Comisiwn Seilwaith Cenedlaethol Cymru

Atodiad C: Y broses ddethol

Comisiwn Seilwaith Cenedlaethol Cymru

Cefndir

Diolch am eich diddordeb yn y broses o benodi Cadeirydd i Gomisiwn Seilwaith Cenedlaethol Cymru (CSCC). Mae Llywodraeth Cymru wedi sefydlu CSCC i gefnogi cyngor annibynnol, mwy gwybodus ar strategaeth hirdymor ar gyfer buddsoddi mewn seilwaith, sy'n ymgorffori egwyddorion Deddf Llesiant Cenedlaethau'r Dyfodol (Cymru) 2015.

Mae CSCC yn gorff cyngori anstatudol. Ei gylch gwaith yw canolbwyntio ar anghenion seilwaith economaidd ac amgylcheddol Cymru dros 5 – 30 mlynedd. Bydd y Comisiwn yn ystyried hefyd sut mae'r anghenion hynny'n rhyngweithio â 'seilwaith cymdeithasol', megis ysgolion, ysbytai a thai. Fodd bynnag, ni ddisgwylir y bydd CSCC yn ystyried a chynghori ar anghenion seilwaith cymdeithasol mewn manylder.

Bydd y cyngor a ddarperir gan CSCC o natur strategol ac yn edrych i'r dyfodol. Ni fydd cyngor ar gynlluniau seilwaith presennol neu gynlluniau sydd i ddod sydd wedi'u cytuno eisoes yn rhan o gylch gwaith y Comisiwn.

Gwneud cais

Bydd Cadeirydd CSCC yn cael cyfle unigryw i edrych ar anghenion seilwaith economaidd ac amgylcheddol hirdymor Cymru, gan lywio rhwydweithiau seilwaith i'r dyfodol trwy wneud argymhellion ffurfiol i Lywodraeth Cymru ar gysylltiadau strategol, dibyniaethau a blaenoriaethau, gan gynnwys y cysylltiad â seilwaith cymdeithasol megis tai. Mae'r Atodiadau sydd ynghlwm yn darparu manylion am rôl y Cadeirydd a manyleb y person, rôl a chyfrifoldebau CSCC a'r broses ddethol.

Mae penodi'r ymgeisydd a ffeirir i rôl y Cadeirydd yn amodol ar Wrandawriad Cyn Penodi gyda Phwyllgor yr Economi, Seilwaith a Sgiliau y Cynulliad.

I wneud cais, ewch i wefan penodiadau cyhoeddus Llywodraeth Cymru yma: <http://cymru.gov.uk/penodiadaucyhoeddus>

I wneud cais am y swydd hon, cliciwch ar y swydd Cadeirydd Comisiwn Seilwaith Cenedlaethol Cymru ac yna ar 'Gwneud Cais' yn y gornel waelod ochr chwith. Y tro cyntaf y byddwch chi'n gwneud cais am swydd, bydd angen i chi lenwi ffurflen gofrestru ar gyfer system ymgeisio ar-lein Llywodraeth Cymru. Dim ond unwaith y bydd angen i chi gofrestru, a gallwch ddilyn eich cais, ac unrhyw geisiadau eraill rydych chi wedi'u gwneud, drwy'r system trwy eich cyfrif cofrestredig.

Ar ôl i chi gofrestru, gallwch gael mynediad at y ffurflen gais. I wneud cais, bydd angen i chi lanlwytho datganiad personol a CV i'r adran 'Rhesymau dros wneud cais' ar y ffurflen gais ar-lein.

Datganiad Personol

Y datganiad personol yw'ch cyfle chi i ddangos sut rydych chi'n bodloni pob un o'r meini prawf a amlinellir ym manyleb y person. Chi fydd yn penderfynu sut rydych chi'n cyflwyno'r wybodaeth. Fodd bynnag, dylech geisio darparu enghreifftiau manwl sy'n dangos sut mae'ch gwybodaeth a'ch profiad yn cyfateb i bob un o'r meini prawf ac sy'n disgrifio beth oedd eich rôl yn y gwaith o gyflawni canlyniad penodol. Yn

Comisiwn Seilwaith Cenedlaethol Cymru

ogystal, byddai o fudd i'r panel dethol pe gallech chi fod yn glir ynglŷn â pha dystiolaeth benodol rydych chi'n ei darparu sy'n berthnasol i ba faes prawf. Mae darparu paragraffau ar wahân mewn perthynas â phob maes prawf yn arfer cyffredin.

Cyfyngwch eich datganiad personol i ddwy dudalen. Gellir gwrthod eich cais os na fyddwch chi'n cydymffurfio â'r gofyniad hwn.

CV

Gofalwch fod eich CV yn cynnwys manylion cryno am eich swydd bresennol neu'ch swydd ddiwethaf a'r dyddiadau roeddech chi yn y swydd hon. Nodwch unrhyw benodiadau Gweinidogol presennol neu flaenorol.

Amserlen bosibl

Dyddiad cau: **21 Hydref 2019**

Rhestr fer : **4 Tachwedd 2019**

Cyfweliadau: **6 Ionawr 2020**

Datganiad Amrywiaeth

Mae Llywodraeth Cymru o'r farn y dylai aelodau bwrdd cyrff cyhoeddus adlewyrchu cymdeithas Cymru – gyda phobl o bob cefndir – i'w helpu i ddeall anghenion pobl a gwneud gwell penderfyniadau. Dyma pam mae Llywodraeth Cymru'n annog pob math o wahanol unigolion i wneud cais am benodiadau i gyrff cyhoeddus. Croesewir ceisiadau gan bobl sy'n perthyn i grwpiau heb gynrychiolaeth ddigonol, gan gynnwys menywod, pobl o dan 30 oed, pobl dduon, pobl Asiaidd a lleiafrifoedd ethnig, pobl anabl a phobl lesbiaidd, hoyw, deurywiol a thrawsryweddol.

Cynllun Gwarantu Cyfweliad – Cadarnhaol am Anabledd

Mae Llywodraeth Cymru'n gweithredu cynllun Cadarnhaol am Bobl Anabl ac yn croesawu ceisiadau gan bobl ag anableddau. Mae'r cynllun yn gwarantu cyfweliad i bobl anabl os ydynt yn bodloni'r meini prawf gofynnol ar gyfer y swydd. Mae'r ffurflen gais yn eich galluogi hefyd i nodi unrhyw anghenion penodol neu gyfarpar sydd ei angen arnoch chi os cewch eich gwahodd i gyfweliad.

Cysylltiadau:

I gael mwy o wybodaeth am rôl CSCC a rôl y Cadeirydd, cysylltwch â:

Adrian Davies, Swyddfa Comisiwn Seilwaith Cenedlaethol Cymru.

Ffôn: 03000 257691

E-bost: Adrian.Davies2@llyw.cymru.

Os bydd angen unrhyw gymorth pellach arnoch i wneud cais am y swydd hon, anfonwch e-bost i penodiadaucyhoeddus@llyw.cymru.

Penodi Cadeirydd Comisiwn Seilwaith Cenedlaethol Cymru

Swydd-ddisgrifiad a manyleb y person

Rôl a chyfrifoldebau

Bydd y Cadeirydd yn feddyliwr blaenllaw ac yn llais annibynnol ar seilwaith, ac yn gweithio gyda grŵp amrywiol o Gomisiynwyr. Bydd gan y Cadeirydd broffil cyhoeddus amlwg a bydd yn cyflwyno argymhellion CSCC i'r cyhoedd ac i'r Cynulliad Cenedlaethol ac yn profi'r gwaith o gyflawni argymhellion CSCC a dderbynnir gan Lywodraeth Cymru. Bydd y Cadeirydd yn ategu rôl CSCC ac yn creu consensws gyda'r diwydiant a rhanddeiliaid eraill.

Bydd y Cadeirydd yn gyfrifol am:

- arweinyddiaeth strategol CSCC; pennu blaenoriaethau a sicrhau annibyniaeth ei argymhellion; goruchwyllo darpariaeth gwaith CSCC, gan gynnwys monitro'r ddarpariaeth gan Lywodraeth Cymru;
- cyfarwyddo mewnbwn Comisiynwyr a manteisio ar eu sgiliau, eu profiad a'u harbenigedd;
- darparu cyngor diduedd, arbenigol i Lywodraeth Cymru ar seilwaith, gan gynnwys cyngor ar flaenoriaethu a gwerth am arian ar fuddsoddiadau cyhoeddus a phreifat;
- creu consensws mewn perthynas ag argymhellion CSCC;
- ymgysylltu â rhanddeiliaid, gan gynnwys llywodraeth, diwydiant, y byd academiaidd, grwpiau â buddiant a'r cyhoedd;
- creu perthynas waith â Chomisiwn Seilwaith Cenedlaethol y DU;
- cynrychioli CSCC yn gyhoeddus, gan gynnwys yn y cyfryngau.

Manyleb y Person

Meini Prawf Hanfodol

Rôl

- arweinydd o safon uchel, gyda'r gallu i arwain byrddau a sefydliadau'n effeithiol;
- y gallu i ddarparu cyngor annibynnol, cadarn o dan lefel uchel o graffu a diddordeb cyhoeddus a defnyddio proffil cyhoeddus i greu consensws;
- hygrededd gyda llywodraeth, diwydiant a'r cyhoedd;

Comisiwn Seilwaith Cenedlaethol Cymru

- y gallu i brosesu gwybodaeth gymhleth, ystyried pethau o safbwynt tymor hir a phwyso a mesur tebygolrwydd i ddod i gasgliadau clir;
- y gallu i gyfathrebu pynciau cymhleth yn glir;
- dealltwriaeth o amcanion seilwaith Llywodraeth Cymru, ei fframwaith polisi, cyflawni ac ariannu ehangach, gan gynnwys y dyletswyddau a'r ymrwymadau o dan Ddeddf Llesiant Cenedlaethau'r Dyfodol (Cymru) 2015 a'r setliad datganoli.

Sgiliau

- y gallu i arwain ar lefel strategol mewn llywodraeth neu yn y byd academiaidd neu fusnes;
- profiad o gyfathrebu a dylanwadu ar y lefelau uchaf;
- y gallu i gynrychioli sefydliadau yn gyhoeddus, gan gynnwys yn y cyfryngau a gyda gwahanol randdeiliaid;
- profiad mewn un sector neu fwy ym maes seilwaith economaidd a/neu amgylcheddol (dymunol);
- y gallu i ddangos profiad o ymrwymiad i egwyddorion cydraddoldeb ac amrywiaeth, ac o weithredu yn unol â nhw;
- dealltwriaeth o egwyddorion bywyd cyhoeddus ac ymrwymiad iddynt.

Y Gymraeg

Mae sgiliau Cymraeg yn ddymunol ond nid oes rhaid eich bod yn meddu arnynt cyn cael eich penodi.

Ffeithiau allweddol am y swydd

Lleoliad:	Cyfarfodydd i'w cynnal ledled Cymru
Ymrwymiad Amser:	5 diwrnod y mis
Hyd y swydd:	Penodiad am 3 blynedd i gychwyn
Tâl:	£400 y dydd, a threuliau teithio a threuliau rhesymol eraill o fewn terfynau rhesymol.

Cymhwysedd

Dylai ymgeiswyr fod yn bobl sydd bob amser yn ymddwyn mewn ffordd a fydd yn ennyn hyder y cyhoedd.

Dylai ymgeiswyr fod yn ymwybodol bod Deddf Anghymhwysu Tŷ'r Cyffredin 1975 neu Orchmynion a wnaed o dan Ddeddf Llywodraeth Cymru 2006 yn berthnasol.

Comisiwn Seilwaith Cenedlaethol Cymru

Gwrthdaro Buddiannau

Gofynnir i chi ddatgan unrhyw fuddiannau preifat y gellid ystyried eu bod yn gwrthdaro â rôl a chyfrifoldebau Cadeirydd CSCC, gan gynnwys unrhyw fuddiannau busnes a swyddi o awdurdod y tu allan i rôl CSCC.

Bydd unrhyw wrthdaro buddiannau'n cael ei archwilio mewn cyfweiliad. Os cewch eich penodi, bydd hi'n ofynnol i chi ddatgan y buddiannau hynny ar gofrestr sydd ar gael i'r cyhoedd.

Safonau mewn bywyd cyhoeddus

Disgwylir i chi ddangos safonau uchel o ymddygiad corfforaethol a phersonol. Gofynnir i bob ymgeisydd danysgrifio i'r Cod Ymddygiad ar gyfer Aelodau Byrddau Cyrff Cyhoeddus; mae'r ddogfen hon ar gael yn:

<https://www.gov.uk/government/publications/code-of-conduct-for-board-members-of-public-bodies>

Comisiwn Seilwaith Cenedlaethol Cymru Cylch Gorchwyl

Diben

Mae Llywodraeth Cymru wedi sefydlu Comisiwn Seilwaith Cenedlaethol Cymru (CSCC) i gefnogi cyngor annibynnol, mwy gwybodus ar strategaeth hirdymor ar gyfer buddsoddi mewn seilwaith, sy'n ymgorffori egwyddorion Deddf Llesiant Cenedlaethau'r Dyfodol (Cymru) 2015.

Llywodraethiant a chylch gwaith

Sefydlwyd CSCC fel corff cyngori anstatudol i ddarparu cyngor ac argymhellion i Weinidogion Cymru ar anghenion seilwaith economaidd ac amgylcheddol Cymru dros 5 - 30 mlynedd.

Mae cylch gwaith y Comisiwn yn canolbwyntio ar anghenion economaidd ac amgylcheddol, ond dylai ystyried hefyd sut mae'r anghenion hyn yn rhyngweithio â 'seilwaith cymdeithasol', megis ysgolion, ysbytai a thai. Fodd bynnag, ni ddisgwylir y bydd CSCC yn ystyried a chynghori ar anghenion seilwaith cymdeithasol mewn manylder.

Bydd Llywodraeth Cymru'n amlinellu trwy lythyr cylch gwaith blynyddol y meysydd yr hoffai i CSCC ganolbwyntio arnynt, ynghyd â'r gyllideb sydd ar gael. Bydd y llythyr hwn yn cael ei anfon at Gadeirydd y Comisiwn cyn dechrau pob blwyddyn ariannol.

Bydd y cyngor a ddarperir gan CSCC o natur strategol ac yn edrych i'r dyfodol. Ni ddarperir cyngor ar gynlluniau seilwaith presennol neu gynlluniau sydd i ddod sydd wedi'u cytuno eisoes.

O fewn ei gyngor, rhaid i CSCC adlewyrchu nodau ac egwyddorion Deddf Llesiant Cenedlaethau'r Dyfodol (Cymru) 2015¹. Mae hyn yn cynnwys:

- Amcanion Llesiant Llywodraeth Cymru
- Y Pum Ffordd o Weithio
- Egwyddor Datblygu Cynaliadwy

Rhaid i CSCC ystyried hefyd rwymedigaethau Gweinidogion Cymru mewn perthynas â Deddf yr Amgylchedd (Cymru) 2016, a rhwymedigaethau deddfwriaethol eraill, wrth ddarparu cyngor.

Bydd trefniadau gwaith manwl CSCC yn cael eu cytuno rhwng Llywodraeth Cymru a'r Comisiynwyr a benodwyd trwy ddogfen Cyfansoddiad. Disgwylir i CSCC gynhyrchu a chyhoeddi 'Adroddiad Cyflwr y Genedl' bob 3-5 mlynedd. Bydd yr adroddiad hwn yn ystyried cyflwr presennol y seilwaith economaidd ac amgylcheddol ledled Cymru mewn ffordd ddiduedd.

1 https://www.legislation.gov.uk/anaw/2015/2/pdfs/anaw_20150002_we.pdf

Comisiwn Seilwaith Cenedlaethol Cymru

Yn ogystal, disgwylir i'r Comisiwn gynhyrchu adroddiad blynyddol ar ei weithgarwch y flwyddyn flaenorol ac unrhyw adroddiadau ad hoc y bydd Llywodraeth Cymru a/neu CSCC yn ystyried eu bod yn angenrheidiol.

Mae Llywodraeth Cymru wedi ymrwmo i gefnogi annibyniaeth CSCC trwy:

- Ymateb yn ffurfiol i Adroddiad Cyflwr y Genedl a chyflwyno'r adroddiad, a'r ymateb, yn y Cynulliad Cenedlaethol.
- Cyflwyno adroddiadau CSCC yn y Cynulliad Cenedlaethol.
- Ymateb yn ffurfiol i argymhellion CSCC a chyflwyno'r ymateb hwn yn y Cynulliad Cenedlaethol, gan gynnwys y rheswm pam mae argymhellion wedi'u cymeradwyo neu heb eu derbyn.

Aelodaeth a'r Ysgrifenyddiaeth

Bydd yr aelodaeth yn cynnwys 12 o Gomisiynwyr, gan gynnwys y Cadeirydd.

Caiff penodiadau eu gwneud gan Weinidogion Cymru am uchafswm o 3 blynedd.

Penodir aelodau ar sail teilyngdod ac arbenigedd, a disgwylir iddynt ddangos gallu i ystyried natur amrywiol cymunedau yng Nghymru.

Bydd aelodau'n cael eu cefnogi gan ysgrifenyddiaeth sy'n cynnwys staff Llywodraeth Cymru.

Atebolrwydd

Bydd CSCC yn atebol i Weinidogion Cymru am ansawdd a phriodoldeb ei gyngor a'i argymhellion, a'i ddefnydd o arian cyhoeddus. Efallai y creffir ar waith CSCC ac y bydd yn cael ei ddwyn i gyfrif gan y Cynulliad, ac efallai y gofynnir i aelodau gymryd rhan yng ngwrandawiadau pwyllgorau'r Cynulliad.

Bydd Llywodraeth Cymru'n cael ei dwyn i gyfrif gan y Cynulliad am y cyfarwyddyd y mae'n ei darparu i CSCC. Creffir arno hefyd mewn perthynas â'r argymhellion y mae'n eu derbyn, neu'n eu gwrthod, a'r sail resymegol y tu ôl i'r penderfyniadau hyn.

Adolygiad

Bydd CSCC yn amodol ar adolygiad cynhwysfawr o'i statws, ei gylch gwaith a'i amcanion cyn diwedd pumed tymor y Cynulliad (2016-2021).

Bydd trefniadau dilynol ar gyfer adolygu CSCC yn cael eu sefydlu ar ôl yr adolygiad cychwynol hwn.

Y broses ddethol

Bydd y panel cyfweld yn asesu CVs a datganiadau personol yr ymgeiswyr i bennu pwy sy'n bodloni'r meini prawf ar gyfer y swydd a phwy fydd yn cael eu gwahodd i gyfweiliad. Bydd y panel yn dibynnu ar y wybodaeth a ddarparwyd yn eich CV a'ch datganiad i asesu a oes gennych chi'r sgiliau a'r profiad gofynnol. Gofalwch eich bod yn darparu tystiolaeth i gefnogi sut rydych chi'n bodloni pob un o'r meini prawf hanfodol.

Efallai y bydd eich cais yn cael ei roi ar y "rhestr hir", yn dibynnu ar faint o geisiadau a dderbynnir, cyn cael ei gyflwyno i'r panel a fydd yn llunio'r rhestr fer. Yn y sefyllfa hon, dylech fod yn ymwybodol efallai na fydd eich cais yn cael ei ystyried yn llawn gan bob aelod o'r panel.

Rhagwelir y bydd y panel wedi penderfynu yn ystod mis Rhagfyr 2019 pwy fydd yn cael eu gwahodd i gyfweiliad ym mis Ionawr 2020.

Bydd y panel ond yn dewis yr ymgeiswyr cryfaf y teimlir eu bod wedi dangos eu bod yn bodloni'r meini prawf a amlinellir ym manyleb y person i gael cyfweiliad. Fodd bynnag, os ydych chi wedi gwneud cais o dan y cynllun gwarantu cyfweiliad a'ch bod yn bodloni'r meini prawf hanfodol gofynnol ar gyfer y swydd, cewch eich gwahodd i gyfweiliad.

Os cewch eich gwahodd i gyfweiliad ac nad yw dyddiad y cyfweiliad wedi'i nodi yn y pecyn gwybodaeth hwn, byddwn yn ceisio rhoi cymaint o rybudd â phosibl i chi o ddyddiad y cyfweiliad. Os nad ydych chi ar gael ar y dyddiad hwnnw, byddwn yn gwneud pob ymdrech i aildrefnu, ond efallai na fydd hynny'n bosibl oherwydd cyfyngiadau amser yn yr amserlen benodi neu oherwydd nad yw aelodau'r panel dethol ar gael.

Byddwch yn derbyn e-bost o'r system Penodi yn rhoi gwybod i chi a ydych chi wedi cael eich gwahodd i gyfweiliad. Ein bwriad yw cynnal cyfweiliadau yng Nghaerdydd.

Os cewch eich gwahodd i gyfweiliad, bydd y panel yn holi am eich sgiliau a'ch profiad, gan ofyn cwestiynau penodol i asesu a ydych chi'n bodloni'r meini prawf a amlinellir ar gyfer y swydd.

Bydd ymgeiswyr y cred y panel sy'n 'addas i'w penodi' yn cael eu hargymell i'r Gweinidog Tai a Llywodraeth Leol. Gall y Gweinidog ddewis cwrdd ag un neu fwy o'r ymgeiswyr hyn cyn dewis yr ymgeisydd a ffefrir. Disgwylir y penderfyniad cyn diwedd mis Rhagfyr 2019.

Bydd yr ymgeisydd hwnnw'n ymddangos gerbron Pwyllgor yr Economi, Seilwaith a Sgiliau Cynulliad Cenedlaethol Cymru ar gyfer gwrandawriad cyn penodi. Dyma gyfle i'r Pwyllgor ar ran y Cynulliad i graffu ar yr ymgeisydd. Ar ôl cael argymhelliad gan y Pwyllgor, bydd y Gweinidog yn gwneud penderfyniad terfynol.

Comisiwn Seilwaith Cenedlaethol Cymru

Os byddwch chi'n llwyddiannus, byddwch yn derbyn llythyr yn eich penodi fel Cadeirydd Comisiwn Seilwaith Cenedlaethol Cymru, a fydd yn cadarnhau'r telerau y cynigir y penodiad arnynt.

Os na fyddwch chi'n llwyddiannus yn y cyfweiliad, bydd Llywodraeth Cymru'n rhoi gwybod i chi. Rydym yn gwerthfawrogi ei bod hi'n cymryd llawer o amser ac ymdrech i wneud cais am swyddi a bod adborth yn rhan werthfawr o'r broses. O ganlyniad, bydd y llythyr yn rhoi manylion pwy y gallwch chi gysylltu â nhw i gael adborth ar eich cyfweiliad a'ch cais, os dymunwch wneud hynny.

Ymholiadau

I wneud ymholiadau ynglŷn â'ch cais, anfonwch e-bost i penodiadaucyhoeddus@llyw.cymru.

Os nad ydych chi'n gwbl fodlon

Bydd Llywodraeth Cymru'n ceisio prosesu pob cais cyn gynted â phosibl a thrin pob ymgeisydd â chwarteisi. Os oes gennych chi unrhyw gwynion ynghylch y ffordd mae'ch cais wedi'i drin, i penodiadaucyhoeddus@llyw.cymru.